

GIMNAZIJALAC

APRIL

BROJ 8

ŠK. 2023/2024.
GODINA



Gimnazija „Meša Selimović“ Tuzla

- Kontakt:
- Adresa: Dr. Tihomila Markovića
bb, 75 000 Tuzla
- Telefon: + 387 35 247 630
- E-mail: gmstz@montk.gov.ba
www.gmstzstud.com.ba
www.gmstz.com.ba
- Fb: Gimnazija “Meša Selimović”
- Instagram: [gms_tz](https://www.instagram.com/gms_tz)
- YouTube: [GMS Tuzla](https://www.youtube.com/GMS_Tuzla)

IMPRESUM

APRIL

Izdavački savjet:

- Alma Šehanović, direktorica
- Mirela Šehović, prof.
- Minela Spahić, prof.

Glavni i odgovorni urednici:

- Alma Šehanović, direktorica
- Mirela Šehović, prof.
- Minela Spahić, prof.

Lektor:

- Minela Spahić, prof.

Novinarsku sekciju vodi:

- Minela Spahić, prof.

Film Team sekciju vodi:

- Mirela Šehović, prof.

Izdavač i štampa:

Gimnazija "Meša Selimović",
Tuzla
2023/2024.god.

REDAKCIJA

APRIL



Članovi novinarske sekcije:

- Amina Žilić 2b
- Anida Osmanović 1c
- Dina Mešić 2d
- Emina Hasanbegović 2d
- Emir Mujezinović 1d
- Ena Mehičić 2d
- Hana Šadić 1a
- Ismihana Brkičević 1a
- Jasmina Zukić 1a
- Kanita Omerović 2b
- Lamija Karabegović 1d
- Leila Ahmetović 2b
- Leona Simić 1d
- Melika Bajrica 1a
- Mirna Nikolić 2b
- Nadja Razić 1a
- Nejra Smajić 2g
- Nensi Kadribašić 1f
- Sarah Imamović 2g
- Sarah Kapidžić 2d
- Sarah Nišandžić 2d
- Vildana Zelenturović 1a

Članovi digitalne sekcije:

- Adela Mujagić 3d
- Majra Alibalić 3d
- Melika Mehmedbegović 3d
- Nadira Mahovkić 3d
- Sarah Kurtalić 3d

SADRŽAJ

APRIL

Uvod	2
Aktuelnosti april	5
Zanimljivosti	27

AKTUELNOSTI

Gimnazija "Meša Selimović"

1. APRIL

Naša učenica Elena Lončar je na međunarodnom turniru iz gimnastike "Chicago Cup - 2024" u Chicagu (SAD) osvojila 3 zlatne medalje, 1 srebrnu i 1 bronzanu medalju. Čestitamo našoj Eleni na izuzetnom uspjehu. Upućujemo iskrene čestitke svim takmičarkama na odličnim rezultatima.

<http://bhstring.net/tuzlausl.../tuzlarije/viewnewnews.php...>



3. APRIL

125 godina Gimnazije "Meša Selimović" Tuzla

Mjesec april posvećujemo obilježavanju 125 godina postojanja Gimnazije "Meša Selimović" i povodom ove značajne godišnjice pripremili smo niz radionica za naše učenike.

Danas smo imali izuzetnu čast ugostiti prvog predavača, a našeg bivšeg učenika, Mahira Hadžića, profesora na odsjeku matematike na University College London (UCL) i dobitnika nagrade "The Adams Prize" za postignuća iz oblasti parcijalnih diferencijalnih jednačina. Bilo je iznimno zadovoljstvo poslušati Mahirovo izlaganje i kročiti u svijet matematičkih istraživanja.

Zahvaljujemo se našem Mahiru i radujemo svakom novom druženju u narednom periodu.



AKTUELNOSTI

Gimnazija "Meša Selimović"

3. APRIL





AKTUELNOSTI

Gimnazija "Meša Selimović"

4. APRIL



Posjeta učenika Gimnazija "Meša Selimović"!

Danas su Crveni križ Tuzlanskog kantona posjetili učenici JU Gimnazija „Meša Selimović“ Tuzla.

Bila je ovo prilika za upoznavanje sa aktivnostima, ali i mogućnostima koje nudi volontiranje u Crvenom križu.

Koristimo priliku da se učenicima i nastavnom osoblju zahvalimo na posjeti i iskazanom interesovanju.

AKTUELNOSTI

Gimnazija "Meša Selimović"

10. APRIL

12. APRIL

Danas je u JUMS Građevinsko-geodetskoj školi održano takmičenje iz likovne kulture - oblast slikarstvo. Naše učenice su postigle sljedeće rezultate:
Lejla Džafić IVa - 1. mjesto
Lejla Kurt IVb - 4. mjesto
Čestitamo našim učenicama i njihovoj profesoricu na odličnim rezultatima!





AKTUELNOSTI

Gimnazija "Meša Selimović"

13. APRIL

Danas je u MSŠ Srebrenik održano Kantonalno takmičenje iz fizike. Naši učenici su postigli zapažene rezultate iz sljedećih oblasti:

Mehanika

Ismar Aljukić If - 3. mjesto

Elektricitet i magnetizam

Amna Imamović IVc - 3. mjesto

Optika i atomska, nuklearna fizika

Vedran Šušić IVb - 4. mjesto

Čestitke našim učenicima i njihovim profesoricama!



AKTUELNOSTI

Gimnazija "Meša Selimović"

14. APRIL



Naš učenik, Bakir Mešalić, osvojio je 1. mjesto i zlatnu medalju u svojoj kategoriji u okviru državne lige u boksu na memorijalnom turniru "Hadži Ramiz Efendić" u Vogošći 13. 04. 2024. godine. Čestitamo Bakiru i želimo mu puno uspjeha u nastavku takmičenja u državnoj ligi!

15. APRIL

Naš tim dobrih i vrijednih matematičara koji će predstavljati našu školu na federalnom takmičenju obogaćen je s dva nova člana! Na kvalifikacijama održanim 14. 4. 2024. godine u Richmond Park International School u Tuzli, učenice Selma Mujačić i Delila Bošnjaković su se plasirale na federalno takmičenje. Sretno u daljem takmičenju

#Matematičari #Takmičenje
#PonosnaŠkola





AKTUELNOSTI

Gimnazija "Meša Selimović"

16. APRIL

125 godina Gimnazije "Meša Selimović"

Sjajno predavanje uvažene akademkinje, a bivše učenice GMS, Mirsade Hukić

Bila nam je velika čast družiti se danas sa svjetski priznatom Tuzlankom, koja je nesebično i na izuzetno zanimljiv način, podijelila svoje životno iskustvo sa našim učenicima. Sa užitkom smo upijali svaku riječ i pratili svaku pojedinost iz njenih mnogobrojnih istraživačkih projekata.

Hvala divnoj profesorici na prekrasnom druženju!





AKTUELNOSTI

Gimnazija "Meša Selimović"

17. APRIL

Nastavljamo sa edukativnim radionicama povodom
125 godina Gimnazije "Meša Selimović"

Danas su naši partneri Bosnia & Herzegovina Futures Foundation
realizovali arduino radionicu u našoj školi. Radionici su prisustvovali
učenici devetog razreda Osnovne škole " Tušanj" Tuzla u pratnji
nastavnice Elvire Slomić, kao i učenici IT smjera naše škole.

Haris Mujić, voditelj današnje radionice, je napravio izuzetno zanimljivu
i inspirativnu radionicu koja je, posebno osnovcima, pružila priliku da se
upoznaju sa ovim veoma korisnim alatom.

Hvala našim gostima na posjeti, i našem partneru, BH Futures
Foundation, koji nam uvijek pružaju podršku u projektima.





AKTUELNOSTI

Gimnazija "Meša Selimović"

18. APRIL

Na Regionalnom takmičenju "Spelling Bee" (Pčelice sricanja) naši učenici su ostvarili izuzetan uspjeh:

Danis Džaferagić - 1. mjesto

Amila Pašić - 2. mjesto

Čestitamo našim učenicima i njihovim mentoricama i želimo im mnogo sreće na Državnom takmičenju koje će se održati 11. 05. 2024. u Sarajevu.



AKTUELNOSTI

Gimnazija "Meša Selimović"

19. APRIL

Naš učenik, Faruk Zahirović, osvojio je 4. mjesto na takmičenju iz ekologije koje je održano u JU Behrambegovoj medresi u Tuzli 18.04.2024.godine.

Čestitamo Faruku, kao i ostalim takmičarima iz naše škole, na postignutom uspjehu!



20. APRIL

Dana 19. aprila 2024. godine, je u organizaciji Goethe-Institut Bosnien und Herzegowina održana Olimpijada njemačkog jezika. GMS je predstavljao, kao pobjednik Kantonalnog takmičenja, na nivou A2, Ismar Aljukić, učenik 1f, te ostvario zapažene rezultate.

Sve čestitke Ismaru na pokazanom znanju i pohvala organizatorima takmičenja na odličnoj organizaciji.

Mentor Adnan Harbić






AKTUELNOSTI

Gimnazija "Meša Selimović"

21. APRIL

Povodom Međunarodnog dana spomenika i spomeničkih cjelina, učenici Izborne nastave historije i geografije posjetili su Stari grad Srebrenik, Kulu u Gradačcu, Spomen kuću Mustafe Imamovića i uništeni oklopni voz u Gradačcu.

Pored učenika naše škole, učestvovali su i učenici Gimnazije "Ismet Mujezinović", Katoličkog školskog centra i studenti Odsjeka za Historiju Filozofskog fakulteta.





AKTUELNOSTI

Gimnazija "Meša Selimović"

22. APRIL

125 godina Gimnazije "Meša Selimović"

Novo druženje sa bivšim gimnazijalcima!

Danas su nas svojim prisustvom počastili Amna Džambić Branković i Zlatan Halilbegović, uspješni i divni mladi ljudi.

Dok je sa jedne strane Amna našim učenicima predstavila kako izgleda karijera u oglašivačkom sektoru, s druge strane je Zlatan sa učenicima radio na njihovim ciljevima i motivaciji koju trebaju pronaći za dalje školovanje.

Hvala Amni i Zlatanu na edukaciji i inspiraciji!



AKTUELNOSTI

Gimnazija "Meša Selimović" 23. APRIL

125 godina Gimnazije "Meša Selimović"

Današnjeg gosta ne moramo posebno predstavljati.

Naš Mirza Mustafagić, bivši učenik GMS, a sadašnji drug i veliki humanitarac, na sebi svojstven način je održao inspirativnu radionicu i svojim izlaganjem izazvao oduševljenje naših gimnazijalaca.

Veliko hvala Mirzi što je uvijek tu da pruži podršku GMS!





AKTUELNOSTI

Gimnazija "Meša Selimović"

24. APRIL

125 godina Gimnazije "Meša Selimović"


Odlične interaktivne i poučne radionice naših sjajnih Ivane Iveljić i Edina Škaljića

Ivana Iveljić nas je danas odvela u svijet medicine i učinila da nam srca brže zakucaju dok nas je vodila kroz svoja životna i profesionalna iskustva.

A na drugoj strani škole, Edin FabLab B&H nas je poveo u svijet i pokazao koja nas sve čudesa čekaju u oblasti tehnologije i digitalnih inovacija.

Hvala učenicima i nastavnicima iz Osnovne škole "Brčanska Malta", Osnovne škole „Slavinovići“ i Osnovne škole „Miladije“ na učešću u današnjim radionicama

Veliko hvala Ivani i Edinu na divnom druženju!





AKTUELNOSTI

Gimnazija "Meša Selimović"

24. APRIL

Na Kantonalnom takmičenju iz historije, naši učenici su ostvarili izuzetan uspjeh:

Leila Ahmetović - 1. mjesto

Faris Halilović - 4. mjesto

Hamid Ljigić - 5. mjesto

Čestitke učenicima i njihovoj mentorici



25. APRIL

125 godina Gimnazije "Meša Selimović"


Sa sjajnom Minka Džanko, prodekanesom za naučnoistraživački rad i međunarodnu saradnju Filozofskog fakulteta UNSA i

Dragoslavom Dedovićem, novinarom, pjesnikom i putopiscem, zavirili smo u svijet pisane riječi, jezika i komunikacije. Minka je danas temom "Jezik mladih na društvenim mrežama" privukla punu pažnju

učenika koji su uživali u njima bliskom načinu komunikacije.

S druge strane, Dragoslav je uspio dočarati ljepotu jezika u književnosti i novinarstvu, suočiti učenike sa važnošću poznavanja maternjeg jezika i činjenicom da sebe i svijet upoznajemo upravo putem jezika.

Hvala učenicima i nastavnicima OŠ „Sjenjak“ i OŠ „Centar“ na posjeti!





AKTUELNOSTI

Gimnazija "Meša Selimović"

25. APRIL



U susret svečanoj manifestaciji
obilježavanja

125 godina Gimnazije "Meša Selimović"

Miralem Halilović

26. APRIL

Mural "Mirza Delibašić - Kinđe" by Miran Mujačić

VELIKO HVALA

- Turistička zajednica grada Tuzle
- Miran Mujacic
- Grad Tuzla
- Danko Delibašić
- Vijeće roditelja GMS
- Fakultet za tjelesni odgoj i sport
- Menprom
- Pekara Kabil
- Coca-Cola HBC Adria
- Miralem Halilović
- Amir Delalić
- OKK Sloboda Tuzla
- Bosnia & Herzegovina Futures Foundation
- Nipex
- Foto Vlasta

Revijalni turnir

1. mjesto OŠ „Slavinovići“

2. mjesto OŠ „Jala“

3. mjesto OŠ „Brčanska Malta“

Foto: bhbasket.ba



AKTUELNOSTI

Gimnazija "Meša Selimović"

26. APRIL





AKTUELNOSTI

Gimnazija "Meša Selimović"

27. APRIL

Hvala
federalna.ba



Hvala RTV 7 Tuzla



YOUTUBE.COM

Obilježena 125. godišnjica rada Gimnazije "Meša Selimović" Tuzla

Danas je u Gimnaziji "Meša Selimović" održana svečanost povodom obilježavanja 125 godina ...



AKTUELNOSTI

Gimnazija "Meša Selimović"

28. APRIL

Dragi naši učenici, ovom prilikom želimo iskreno da se zahvalimo svakom od vas na nevjerovatnom trudu i predanosti koju ste uložili u pripremu naše nedavne manifestacije. Vaša energija, entuzijizam i predanost bili su nezamjenjivi u stvaranju ovog nezaboravnog događaja. Također, želimo da se zahvalimo svakom bivšem učeniku koji nam je pružio podršku na bilo koji način. Vaš doprinos je od neprocjenjivog značaja za nas.

Hvala svim osnovnim i srednjim školama koje su s nama proslavile ovaj dan te gostima i prijateljima GMS, što su se pridružili obilježavanju manifestacije.

Galerija fotografija





AKTUELNOSTI

Gimnazija "Meša Selimović"

28. APRIL





AKTUELNOSTI

Gimnazija "Meša Selimović"

28. APRIL





AKTUELNOSTI

Gimnazija "Meša Selimović"

29. APRIL

Izbor sportiste godine Grada Tuzla
Amila Bećirović je proglašena
sportistkinjom godine Grada Tuzla
za 2023. godinu

Emi Mešković je dodijeljeno
Specijalno priznanje za izvrsne
rezultate u 2023.

Čestitamo našim učenicama i
želimo im još mnogo sportskih
uspjeha!



30. APRIL



ZANIMLJIVOSTI

Gimnazija "Meša Selimović"

Olimpijske igre u Parizu: Deset stvari koje trebate znati

Surfanje u dalekoj zemlji

Dok je Pariz glavni grad domaćin, takmičenja će biti održana u 16 drugih gradova širom kontinentalne Francuske.

No, takmičenje u surfanju će, ipak, biti najjedinstvenije – odvijat će se na francuskoj teritoriji Tahiti, na legendarnim valovima Teahupo'o u Tihom okeanu. Smješteno 15.000 kilometara od Pariza, mjesto za surfanje oborit će rekord za najudaljenije takmičenje za medalju, koje se održava izvan grada domaćina Olimpijskih igara.

No, takmičari će rado preletjeti pola svijeta kako bi lovili valove na jednoj od najspektakularnijih lokacija za surfanje na planeti.

Breaking, novi olimpijski sport

Igre u Parizu predstavit će novi olimpijski sport: breaking, urbani plesni stil koji vuče korijene iz hip-hop kulture.

Takmičenje će sadržavati dvije discipline – jednu za muškarce i jednu za žene – i održat će se 9. i 10. augusta u Parizu nakon uspjeha na Olimpijskim igrama mladih u Buenos Airesu 2018. godine.

Eiffelov toranj kao dio Igara

Kultni Eiffelov toranj bit će dio Olimpijskih igara na više načina.

Dok će se takmičenje u odbojci na pijesku održavati u privremenoj vanjskoj areni ispod tornja, sportaši će, također, nositi dio spomenika kući jer će olimpijske medalje biti ukrašene originalnim željeznim metalom s Eiffelovog tornja.

ZANIMLJIVOSTI

Gimnazija "Meša Selimović"

Olimpijske igre u Parizu: Deset stvari koje trebate znati

Parižani trče maraton

Prvi put u historiji javnost može doživjeti olimpijsko iskustvo iz prve ruke, pošto će dobiti dozvolu da trče istu stazu olimpijskog maratona istog dana kao i olimpijci.

U događaju s masovnim starom nastupit će 35.000 trkača amatera.

Plivanje u Seni

Rijeka Sena bit će domaćin maratonskog plivačkog takmičenja i plivačkog dijela triatlona na Olimpijskim igrama, stoljeće nakon što su se u njoj održala neka takmičenja tokom prvih Igara u Parizu 1900. godine. Od 1923. donedavno plivanje je bilo zabranjeno u Seni zbog problema s kvalitetom vode, a decenijama je rijeka bila previše otrovna za većinu riba. Pariski organizatori više su puta uvjerali takmičare da će voda tokom Igara biti dovoljno čista za plivanje.

Upoznajte maskote

Frige su službene maskote Olimpijskih i Paraolimpijskih igara u Parizu 2024. Napravljene su po uzoru na tradicionalne male frigijske šešire, simbole Francuske.

Olimpijski organizatori kažu da su ime i dizajn odabrani kao simboli slobode i da predstavljaju alegorijske figure Francuske Republike.

Stota godišnjica

Igre 2024. obilježit će povratak Olimpijskih igara u Pariz nakon 100 godina. Pariz je prvi put bio domaćin Olimpijskih igara 1900, a zatim 1924. godine.

ZANIMLJIVOSTI

Gimnazija "Meša Selimović"

Olimpijske igre u Parizu: Deset stvari koje trebate znati

Francuska prijestolnica postat će drugi grad koji je tri puta ugostio Olimpijske igre, nakon Londona (1908, 1948. i 2012. godine).

Potpuna ravnopravnost spolova

Pariz 2024. bit će prve Igre u historiji koje će postići brojnu ravnopravnost spolova na terenu, s jednakim brojem sportistkinja i sportista koji će nastupiti u najvećem sportskom događaju na svijetu. Od 10.500 sportista koji će nastupiti na Igrama, 5.250 će biti muškaraca i 5.250 žena.

Izgubljen u prijevodu? Ne u pariskom metrou

Pariski sistem javnog prijevoza (RATP) osigurao je više od 3.000 agenata s uređajima za prevođenje podržanim vještačkom inteligencijom kako bi pomogli stotinama hiljada turista u navigaciji tokom Olimpijskih igara. Uređaj može prevoditi između francuskog i 16 različitih jezika.

Isključite klima uređaje

Neće biti klima-uređaja u sobama sportista na Igrama u Parizu 2024, koji je obećao da će biti domaćin "najzelenijih" igara ikada.

Umjesto toga, zgrade u Olimpijskom selu imaju sistem hlađenja, koji crpi vodu iz podzemlja, a fasade su prilagođene tako da imaju malo direktnog padanja Sunčevih zraka.